

Z cyklu: Òdjimczy słowã - 130

W naszym gniôzdze
Je môl na nowé
Wezdrzimë z niego na swiat:
Ùzdrzimë ògnie wòjnë
Ùczëjemë rëk fligrów
Rzechòt lëdzczy òchëbë
Glingòt judaszowëch dëtków
I skòpicã słowów niezgarë...

Zdrzucymë to z gniôzda précz
Jak czëniã swiãtooblëwé bòcónë
A zaklekòcymë z redotë
Ùrbi et òrbi, miastowi a swiatowi
Zjémë pò żabie, co czëszczy stëdniã
A zażëjemë, jaż w czerwóné szpëré pùdze
Przed wanogã za lepszym,
Bò kòzdi mô swòjã Afrikã...

Tómk Fópka, Chwaszczëno, 13 maja 2024 rokù, gòdz. 2.49 d.p.